

տէրն ևս ոչ զհտացեալ թէ ո՛վ ոք է, ալ թէ մու-
սաֆիր ոմն ասացաւ ի ծանօթից ոմանց, որ օր ամսոյ
էր Նոյեմբեր ժԸ (Նշէ):

Եւ յառաջ քան զգալուստ Վարդապետին տասն և
հինգ աւուրքք, որ Նոյեմբեր Դ Դշի¹⁾ աւուր փոխե-
ցաւ ի Քրիստոս Մահտեսի Ամբակումն որ էր քեռի
մօր մերում: Եւ էր նա ի գիւղէն Նափրերոյ յԱկան
գաւառի, որդի Մարտիրոսի ումեմն մեծազնոյ: Եւ էր
անձամբն երկայն եւ վայելուչ հասակաւ եւ փափկա-
մարմին, բայց բնաւ մազ մօրուաց ոչ ունէր և ոչ մի:
Եւ ի ժամանակին սովոյ յարարմանց ձէլալոց բազում
տեղիք աւերեալք լինէին և շատ մայրք զմանկունս
իւրեանց ուտել ասացին. և զի՛նչ որոնես՝ եթէ զաղբս
և զմէզս անասնոց ուտել կամ ըմպել, և զո՛ր խնդրես
ի լերինս և յանապատս²⁾ գազանաբեկ լինել: Թողեալ
զհայրենիս ի փախուստ դառնային և յերկրէ յերկիր
և յաշխարհէ յաշխարհ ցրուէին. յայտնիք այսոքիկ
որք երեւին, իսկ աներեւոյթքն Աստուծոյ են զիտելի,
որ էր յաւուրս բռնակալութեան Տաճկաց Սուլթանին
Մահմէտի, որ նստեալ էր թվին Ռիֆի ի զօրանալն ձէ-
լալոց: Եւ այրս այս Ամբակում հարբ իւրով գայ ի
տունս Հոռմաց և աճեալ ի հասակ մտանէ ի հացա-
գործութիւն և յաջող ի գործիսն՝ պետ լինի արհեստին
և մեծ անուամբ: Եւ մտեալ ի կարգ աշխարհի, ոչ
լեալ զաւակ սորա ըստ մարմնոյ, բայց ծնանի բազում
ըստ հոգոյ և ըստ Աստուծոյ: Քանզի սիրեցեալ լինէր
զկարգաւորս և տայր յամենայն ընչիցն բաժին Աս-
տուծոյ. պատուէր զծնողս, հարկէր զազգատոհմս,
զթայր ի վերայ որբոց, խնամս տանէր այրեաց, զբան-
տարգեալս ազատէր, զանկարխն ի կար ածէր՝ յոյր

1) 22ի.

2) յանապատաս. յամբարտաւան (1)